

1477

P O L E M I C I

1478

III. fol. 125. *Incipit liber de blasphemia. XII. in ordine, videlicet Summae Theologicae Wiclefi. Initium: Restat succincte de blasphemia pertractandum &c. Ut alibi. Ad calcem: Explicit tractatus de Blasphemia secundum Jobanem. Wy. XII.*

CCCXCIII.

914 Codex chartaceus lat. Sec. XV. Folior. 184. 4. minutius scriptus rubricisque distinctus in Bohemia exhibet: I. *Commentaria in Cantica Canticorum* minio inscripta: *Incipit epistola super expositionem cantica canticorum Salomonis. Hujus initium: Dilectis et prudentibus viris fratribus et amicis carissimis ceterisque sanctis omnibus Johannes christi seruus salutem dicit et pacem in domino sempiternam. Postulauit discretio vestra, ut librum expositionum canticorum salomonis olim amissum vobis studeam renouare &c. In progressu meminit Commentator X. Omeliarum Origenis in Cantica, quas non vidit, nec legit. Post hunc fuit alter Petrus nomine, qui expositionem canticorum uersificando in paruum librum conclusit. Atque hic Petrum de Riga ejusque Auroram intelligit. Expositionem ita orditur: Osculetur me osculo oris sui. Inter deum et genus humanum propter peccata primorum parentum temporibus multis discordia permansit. &c. Quod assertum nemo facile probet Theologus. Varia deinceps carptim de malis Praepo-*  
*Denis Codd. Theol. V. I. P. II.*

tis, pravis Praedicatoribus, et iis, quorum nomina Lectores fuisse iam nossent, item de iis, qui altissimam paupertatem, quam assumpserunt, in manifesto violant pecuniam occulte possidendo &c. quae et alia Wiclefi *φρασεολογια* produunt, Wiclefi tamen etiamnum moderatioris, unde in Peroratione ait: *Rogo vos autem karissimi, quicumque estis presbiteri in templo dei, ne propter meam iuuentutem contempnatis hanc doctrinam christi. Interim Expositio haec in VII. Libros tributa inter rarissima ejus habenda est, neque scio, quid secutus Baleus initium ei statuatur: Confitebor tibi domine quoniam, si tamen ei de Canticis Canticorum res est, et non potius de aliis Canticis sacris.*

II. fol. 29. Ejusdem Tractatus de Blasphemia absque inscriptione. Init: *Restat succincte de blasphemia pertractandum. Est autem blasphemia &c. Ut alibi. Subscriptio: Explicit hoc opusculum circa penthecostes sub anno domini 1432. w strach. i. e. in timorem. Accedit amplus Index.*

III. fol. 102. p. 2. *Incipiunt nomina librorum M. Job. Wycleff iuxta ordinem alphabeti. Ordo hic non Titulos, sed Initia Librorum respicit. Ut alibi. Daturus fuisssem totam hanc Βίβλιογραφίαν, si quid integri illa promitteret; sed absterruere, quae calci adjecta sunt: Sciendum quod multi sunt alij libri, quorum hic nec nomina, nec principia ponuntur, ut postilla super biblia, Proprium sanctorum, Commune sanctorum*

S

rum

1479

C O D I C E S

1480

rum et Epistolarum dominicalium, de probandis propositionibus tres tractatus, et quam plures alij libri.

IV. fol. 105. Ejusdem de Officio Regis. Initium: Consequenter ad ordinem clericalem restat de militari Ordine pertractandum &c. Ut Cod. CCCXCI. ubi, quod praecedat, Prooemium hic calci subnexum est.

## CCCXCIV.

- 927 Codex chartaceus lat. Sec. XV. exeuntis, aut plane XVI. Folior. 161. 4. commode perscriptus et rubricis enotatus a secunda manu inscriptus est: *Wiclef super Cantica Cantorum*. Retulimus Exemplum vetustius Cod. praeced. quod etiam castigatius videtur. Ita male legit praefens de Petro de Riga, qui expositionem Cantorum versificando in primum librum conclusit. Scribendum erat in parvum librum. Ceterum plura ad Cod. mox cit.

## CCCXCV.

- 917 Codex membraneus lat. Sec. XV. Folior. 348. 4. per duas columnas bene scriptus, rubricis distinctus, et nescio cui, dono datus Anno 1550. a S. Joanne ex Miesta eo tempore Pastore Zluticensium, qui Provinciae Zatecensis in Bohemia locus est, continet Job. Wiclefi Expositionem in N. T. excepta tamen Apocalypsi, videlicet IV. Evan-

geliorum, Epistolarum Pauli, Actuum Apost. et Epistolarum Canonice. Non memorantur Wiclefi Postilla a Baleo et Tannero; memorantur vero in Catalogis mss. ut videre est Cod. CCCXCIII. nec dubito, ea in praesenti Codice haberi; omnia enim Wiclefium sapiunt, frontique, quamvis a secunda manu, adscriptum legitur: *Vigleff predicator perfectus*. Id tamen noto, Prologum in Matheum Codici praefixum, qui incipit: *Matheus ex Judea sicut in ordine &c. Iste prologus est beati Jeronimi qui diuiditur principaliter in quatuor partes &c. alterius esse, cum in eo ad Republicanorum mentionem verba Wiclefi citentur, addito: Hec Jo. W. Sequitur porro: Incipit Mathei primum capitulum. Liber generationis Ihesu christi — Dimissa diuisione huius libri ne videar frustra verba in vanum profundere &c. Atque hunc ego ipsius Wiclefi Prologum habeo, ex eo etiam, quod ipsa demum Expositio fol. 4. litera picturata initiali ita orditur: *Liber generationis Ihesu christi filij david filij Abraham. Sciendum quod triplex ponitur ratio. quare david premittitur &c. Ceterarum Partium Inscriptiones et Clausulae nil peculiare subpeditant. Postilla in Canonicam Judae finit: nullam dicit essentiam aliquid istorum preter deum.**

## CCCXCVI.

- Codex partim membraneus, 916 partim chartaceus lat. Sec. XV. Folior.